

中華民國七年春月排版定價每冊

琉球百問全

紹興醫藥學報社發行

版藏紹
興裘氏

國醫百問
第 二 種
琉 球 百 家
提 要

本書爲前清道光間吳郡名醫曹伯仁先生答琉球門人呂鳳儀君之問而作柳選繼志堂醫案序中曾提及之惜未之見社友常熟張汝偉君覓得而加按之錄寄社中書中一問一答頭頭是道論症論脈合男婦內外各科兼而有之旁及經絡腧穴作病理學讀可作治療學讀診斷學讀亦可且琉球近旣藩屬日本而本書則記吾國醫學輸入琉球之事作琉球之醫史讀更無不可是以微特吾醫家所應人手一篇每册定價四角書印無多售完不再版

國醫百家家
第 三 種
薛 案 辨 疏
預 告

薛立齋先生醫案固已風行全國之書凡吾醫家無不備焉惟其文簡而其義蘊治驗各案往往讀之似屬平易而仔細推敲則一案有一案之精義惜無人而詳爲辨疏耳是書將薛氏原案各治驗案之斷證立論用藥處方明辨而詳疏之不特足爲讀薛氏書者之指南針更可以開醫者治病時神明變化之思書係稿本且失辨疏者之名社友徐君蓮塘購自書賈郵寄社中爰亟付刊以公同志出版在即先此預告定價與發行日期當在醫葯學報宣佈

採刊國醫百家凡例

一本書專採未刊先輩遺稿及已刊亡版孤本之發明國醫學者次第排印以期流傳

一各地同志之將前項書稿寄贈或價讓者即當隨時付印其先後無分軒輊

一同人本有醫藥叢書之刻（第一集已經發行）所收亦係前項書稿奈因寄件積多刻工迂緩故加是刊但叢書不限收國醫學

一本書所採各書准各省書肆翻印發行如願附印者亦祇收紙印本價不取他利

一同人限於棉力刊行本書每種僅以初印售完爲止

一每種定價均按印行時紙料工價核算比較或有差次購者諒之

一凡各省圖書館閱報社暨醫會會員同時并購兩部者加贈一部零購概不折扣

一凡同時購百部以上者得隨時議價

一購書者將書價照定碼另加郵力一成一併用郵匯最爲妥便不通郵匯之處以郵票代銀亦可但須固封掛號直寄紹興醫藥學報社收當班奉書不悞

曩在母校肄業時、從裘君吉生
處購得此書、當時略一披閱、未
窺全豹、今於書篋中檢出、逐條
例覽、並以拙見書於眉端。


霞仙附筆



曹君玉照

A faint line drawing of an elderly man with a mustache, wearing a traditional Chinese robe, is visible in the background. The man's face is the central focus of the portrait.

丁巳春暮海虞張謇沐手敬摹



琉球百問序

曹樂山先生名存心，字仁伯，吾邑故名醫也。平生於治病救人外，所遺著作，有繼志堂語錄、過庭錄、延陵弟子紀略、琉球百問諸書。謬習醫以來，搜索殆遍，終不可得。僅僅於江陰柳穀孫所輯四家醫案中，得窺其鱗爪。嗚呼！先生之書，豈流於外而絕於內耶？抑有秘而藏者，竊爲私寶，不肯公諸世耶？今年春，友人王君以琉球百問一冊示謬。謬讀之，不忍釋手。余雖未見先生全豹，而知先生之精力學問盡在於斯中。蓋先生之德澤被宇內，先生之名遠馳海外。呂君鳳儀自琉球來，受業於先生之門，學成而歸，復以疑難爲問，先生爲之闡明剖晰，以圖盡治。其論症化裁處，精思敏捷，施及蠻貊之功，先生可居也。原本有許廷誥撰家傳，今亦闕其半。欲補全之，不可得。嗟乎！先生之道德學問，其可傳與不可傳，固不待乎一傳之存亡。

然先生斯書。則皆布帛菽粟。不可再任其散佚。謬故亟爲重錄。付紹興醫報社刊行。以廣其傳。以爲後學指南。間附贅語。不過一得之見耳。至於語錄諸書。苟得之必傳之。有俟於來日云。是爲引時。

民國六年歲次丁巳夏歷閏月花朝日常熟汝偉張謬序於壽石居

（此處文字極其模糊，似有印痕或殘存文字，但無法辨認，故略去。）

國醫百家家
第一種
增訂傷暑全書要

本書爲明張鳳達先生原書版已久佚經清葉子雨先生由舊書肆中購得增訂自內經素問以至宋元明諸家之論暑者無不採輯精華聚於一書凡一證之論治一方之收採張氏已列發明之語葉氏又增訂正之條明病因焉由春夏秋冬溫暑寒涼以至天時地氣辨病證焉由寒暑證狀各異以至暑厥暑風暑瘍暑瘵絞腸沙以至寒疫時疫審診斷焉由脈理而及於五運六氣設治法焉由主方而及於備用方附以痢瘧類症殿以名醫品彙有此一集無事他求允稱全書矣至世之患感證與治感證者但知傷寒傷寒之名而不知傷寒其名傷暑其實者多尤非讀此書不能明焉每部兩冊定價六角初印早已售罄茲因各處要求勉力再版

本社出版醫藥書籍七十餘種皆世
所罕見之孤本及名家未刊之精稿
又代售各處社友手著最新醫書二
十餘種定價皆廉因宗旨不爲謀利
專爲流通也凡醫藥爲業者固宜爭
先購閱以輸進學術於臨證治病大
得裨益卽普通人民購閱此種書籍
稍備醫藥常識未病時得明保衛之
法已病時勿爲醫藥所誤費小功宏
較之購他種書籍其損益不待贅述
印有書目奉送不取分文函索卽寄

海內外藏書家鑒

中國醫書汗牛充棟各家
藏刻流通者少致日久歸
於湮沒此豈先人著作時
所願料及耶本社竭力搜
求凡藏有各種醫藥書籍
者務祈開明書目卷數價
銀等示知本社當出重資
相求并可代爲流傳發行
紹興醫藥學報社啓

零購本社發行書報章程

一 如欲購本社書報者可直接開明書目連銀寄至「浙江紹興城中紹興醫藥學報社」收

一 書價若干按加一成以作寄書郵費

一 書價與郵費可用郵局匯兌其章程問就近郵局便知

一 郵匯不通之處請購（五厘至二分爲止）之郵票以一百零五分作大洋一元核定封入函中掛號寄下

一 一人購書報上五元者可將書價以九折核寄上十元者以八折核計零購無扣

一 一人預定當年月報之上五份者可將報價以九折核計上十份者以八折核計

代派處章程

一 設立代派處門首得可製掛「紹興醫藥學報社代派處」字樣之牌

一 代派處之資格不拘商號個人但由本社認可者均准承辦之

一 代派處購配書籍(已出之報與書籍同)時得以照定價先付十分之四即將書籍照來單如數寄去餘款逢端午中秋年終三節寄清

一 代派處書報價銀照定價視銷數之多寡得以正式信函約定之

一 代派處於一個月內如有不銷書籍除污損外得以更換他種惟不得退回還

銀

一 代派處預定當年月報得以照定價先繳半年下餘一半除去應扣之酬費至月報寄至第六期時繳清

一 代派處派出之閱報人姓名不必開報社中社中寄報亦照代派處預定之數

一 按期總計自行分派

一 代派處須認來往一切之郵費

一 代派處之人欠欠人一概不與社中之事

一 愿承辦代派處者請函寄「浙江紹興城中紹興醫藥學報社」即當答函奉

訂

琉球百問目錄

圖像

家傳(缺)

序

百問

札問

跋

琉球百問

男文瀾孫恩溥全校刊

吳郡曹存心仁伯氏著

同邑張諤汝偉評錄

紹興裘慶元吉生重刊

一年四十有一思慮過多。性情抑鬱不暢。嗜酒貪色。喜怒不常。心神恍惚。夜臥不安。怒則親疎不避。指非為是。罵詈不止。或持刀相向。喜則起居清靜。言出循理。其病將發。必放量飲酒。而後舉發也。病已十餘載。六脈弦滑。兩尺純弱。二便如故。胸膈痰多。嘔逆作吐。俱是帶痰。心下留飲。漉漉有聲。飲酒之後。其症尤甚。飲食能進。肌肉肥胖。手足煩熱。忍寒惡熱。又多心戰。眼睛不定。舌紅帶白潤而不燥。曾與安心丸。定志丸。壽脾丸等不效。改用清心滾痰丸。除其腸胃宿痰。又不見瘥。或謂宿痰。或謂酒癩。或謂驚悸。或謂怔忡。或謂心腎不交。諸醫論治。紛紛不一。若據於飲酒房勞過度。而謂心腎脾胃之虛弱。則飲食起居如常。房事尚

時當壯年，氣血
方盛，大有為也，
乃因情懷抑鬱，
心緒不舒，借酒
色以戕身，下元
不足，肝陽上亢，
嬉笑怒罵，癩
狂作矣。

強所見之症亦多屬實據。於飲食起居不衰。而謂心肝之實。則病已久。酒色不絕。所見之脈亦帶虛也。故虛實難辨。補瀉難投也。所用之藥皆不見效。恭求國手乞賜良方。是獲再生之德矣。

人年四十有一。多思多鬱。懷抱不舒。聊借酒色以自娛。漸漬浸淫。諸症蜂起。遲之又久。往往歸入癩門而成癩病。如狂之候。前案言之詳矣。辱承再問。以將發之前。放量飲酒。飲酒之後。見症尤甚云云。因思酒者清冽之物。性喜滲入。不隨濁穢下行。而其滲入之區。從胃入胆。胆為清淨之府。以清受清。同氣相求。故也。夫以酒之冽性。惟胆獨能當之。胆之性能擔當。亦善張皇。每見好飲者。將至半酣。雖懦夫有揮拳罵座之胆。雖窶人有千金一擲之胆。雖狷士有鑽穴踰牆之胆。甚至拘墟之徒。有舞劍殺人。之胆。放浪形骸之輩。一飲數斛。有不顧餘生之胆。非其素性頓殊。夫非滋擾於酒乎。故曰酒之流生禍也。然酒之病人實繁。而其人之受病實有較他人不同者。蓋他人胆受酒冽。滲入五臟之中。或睡或笑。或嬉戲多言。感於中形於外。其勢從分。茲則性

情抑鬱。卽無酒意。肝亦容易暴升。况肝爲裡。胆爲表。表裡相通。感動尤捷。胆經熱性。滿溢於中。投之以狂藥。未有不直入於肝。肝主怒。怒則叫囂罵詈。不避親疎。與焉悖焉。誰能禦之。實以肝乃陰木。胆乃陽木。陽木之陽。併攻陰木。陰木之熱也。滋甚。而欲其不癩病如狂。能乎否也。夫曰如狂。初非眞狂。乃酒之癩也。當其未發癩時。多思多慮。懷抱抑鬱。不能放開。得有忠告善導者。原可因事遏抑。一至放量而飲酒。固亂其性。色且荒於嬉。酒色之所傷者。諒非紙上空談所能竟也。昔我有先正。其言明且清。一則曰。惟酒無量。再則曰。不爲酒困。其於好色。則止於不淫。人能銘諸座右。佩諸垂紳。觸於目而警於心。有不節嗜慾。而尙肯沈溺不返耶。即或三杯兩盞。斷不至爲色媒。卽或佳冶當前。不過逢場作戲。是飲食男女。人之大欲。所存難乎免俗。要貴知止不殆耳。夫果能知止。不惟濕熱之最。心下之欲。俱從嘔吐而出。可以向愈。卽手足煩熱。眼睛不定。舌紅不乾。久著少陰陽明。益造其偏之火象。亦因積精漸富。葆養元神。而得一水可以勝兩火。一水可以勝五火之明驗也。陰平陽秘。精神迺治。全在自己。

方以清熱潛陽化
 痰^{用藥}酒因患
 女性嗜麪藥以
 杯中物澆胸中
 之愧偶耳。

節慾。生死關頭蓋可以忽乎哉。貴國居天下之東。東方生風。風生木。木生酸。酸生肝。肝生筋。筋為剛者多矣。而體質豐滿。肉為牆者。又在此人。人之失於檢束而好色。地氣使然。而今而後。擯節愛養。猶可以作完人。若猶以酒為漿。以妄為常。假使良工如古人者。將有何法以處此乎。必也陰行而妙其用。用鎮肝涼胆之品。配入酒中。每日飲而不醉。飲法同。而酒性異。混合一家。使平生之肝胆熱氣。瀰滿留戀者。即籍酒意。轉為嚮導。漸漬漸清。乃克有濟也。

| | | | | | |
|--------|----|------------|---------|--------|----|
| 大生地 | 八兩 | 竹茹 | 二兩(姜汁炒) | 黨參 | 四兩 |
| 橘紅 | 二兩 | 西洋參 | 二兩 | 菘豆 | 八兩 |
| 白芍 | 二兩 | 銀花 | 三兩 | 雲茯神 | 三兩 |
| 半夏(姜製) | 二兩 | 青黛(水飛) | 一兩 | 龍齒 | 五兩 |
| 淡竹葉 | 四兩 | 酸棗仁 | 一二兩 | 鐵落(研細) | 四兩 |
| 生甘草 | 一兩 | 枇杷葉(姜汁炒去毛) | 五兩 | | |

取雪羹湯以清
熱化痰，復以醒
酒解毒，立法巧
妙。

張氏處境坎坷，心
懷抑鬱，有同病
相憐之感，並勸
人以解脫一切自
得心廣，胖之益
亦聊以自慰耳。

取平日所飲之酒十觔，將藥浸入十四日，便可飲飲盡，再以此藥搗爛如泥，再
浸酒五觔，七日可飲。

另每朝取

大葶藶 四個（去皮切） 陳海螵 二兩（漂淡） 葛花 一錢（絹包）

雞距子 三錢 煎湯服

張謇曰：所論鎮肝涼胆之法，用意極是。但病由抑鬱而起者，非草木之藥可以奏
功，必怡情放懷，所欲得遂，方能獲效。此症既有痰濕，起居飲食尚強，生地似嫌太
滋，涼肝化痰，如丹皮、鈎勾、蒺藜，決明之屬，亦可加入。而凡世人之患斯疾者，宜解
脫一切，無罣無礙，自得心廣體胖之益。若終日戚戚，豈生發之機宜？若是耶。余編
斯書，適遭阨境，常以皆空自譬，終難洗滌煩惱，彼造化既生之，而又弄之，是真大
惑不解，讀此案不禁重有慨焉。

一男年過三旬，常好厚味，胸腹痞滿，終成臃脹，六脈沉實，與分消湯不效，又兼噁

厚味傷脾。濕
熱蘊積。氣機
不運。因而成脹。
法以越鞠加味。
張氏加三子養
親湯。合導赤
散。是更進一步
設法。

腎陰既虛。腎
陽亦衰。以腎氣

氣作酸。改用香砂和中養胃湯。又不愈。

地食人以五味。味有厚薄。本不可偏。偏於厚者。多鬱爲熱。熱勝於胃。則水穀之濕。莫不受其薰蒸。濕熱互結。清濁相干。氣難通泰。腹自痞矣。當時失於開痞。滿之於前。脹之於後。脈息沉實。噯則味酸。以昭六鬱之形。卽宗六鬱例治之。有何不可。

越鞠丸

炒查

麥芽

赤苓

張謬曰。斯症已成鼓脹。右方恐亦難見效。似宜加入三子以化痰濕。參以導赤以清蘊熱。况一偏之味。又易生蟲。倘攻撐作痛。殺蟲藥亦可略用。

一年近半百。酒色過度。腹脹臍突。背平。小便不利。大便閉結。脈虛而微。用腎氣丸。參附理陰煎。壯原湯等劑。不愈。

腎主二便。開竅於二陰。二便之陰不利。且結。腎臟下虛無力。以開其竅。不問可知。酒爲色媒。精氣多薄。溫補等法。原屬相宜。無如酒爲濕熱之最。熱性歸之於膽。濕性歸之於脾。脾濕傳於膽者本難。膽熱傳於脾者則易耳。從此腹脹臍凸。背平。中上兩焦

腎陰既充，斯能世導水濕以下行為順。

色慾傷腎，思慮

傷脾，肝陽上亢，

夜寐不安，心神

恍惚，主喜怒失

常，宜益陰清

之邪。既經滿佈，則五十始衰之年，下焦獨能安乎。而况腎因色虛，酒之濕熱尤易乘虛而入。入則濕熱之邪秘而不宣，不足之腎反似有餘。此二陰之竅所以失其滑利之常也。附方於後。

朝服水泛金匱腎氣丸 晚服小溫中丸（俱用開水下）

張謬曰：朝服腎氣，所以藉附桂之力蒸動腎陽，使下焦之氣得以上承。晚服溫中，所以清熱泄水，化積安土，使中焦之邪得以下行，妙甚。

一年三十餘，常好酒色，又兼思慮過度，不得安睡，如見鬼狀，妄言譫語，心悸恍惚，或笑或哭，喜怒不常，千奇萬怪，無所不至。六脈或弦或數，大小變易不定，飲食能進，歸脾、壽脾、七福、右歸、安神化痰、清心清熱等劑不效。

四八乃三十二歲也。筋骨隆盛，肌肉滿壯。雖酒色思慮時或有之，內不至於滑其骨髓，外不至於耗其血肉，病安從來。惟好內過度，思慮過深，未免神明汨亂，以使陽明胃府不和少寐。且使所貯之痰濁上蒙清竅。妄見妄言之意象。乍大乍小之脈息。接

肝佐以蠲痰方

為合拍若枝以王

隱君礞石滾痰

丸似不恰當。

踵而來每多實症聊擬方用

礞石滾痰丸錢半開水送下七日可清

張謬曰好酒色而多喜笑六脈弦數乃肝陽痰火四字實為此症病根柔肝熄風之品似不可少

色慾過度陰從下竭盜汗咯血

陽從上耗陰陽

離絕天命將傾

非無情之草木

能挽回於無何

有之鄰也。

一男子色慾過度自汗盜汗午後發熱咯血咳嗽倦怠無力少納吐痰泄血欬血吐血六脈沉數肉削用補中益氣參朮調中六味十全大補八味回陽飲不效陰以陽為根陽以陰為宅二者本不可偏勝若色慾過度者陰從下降陽自上升陰不內守陽必外戰是以盜汗自汗欬血便血蒸熱無力少納肉削無往而非偏之為害也補偏救弊以制陽光

朝服八仙長壽丸 晚服當歸六黃湯

張謬曰此症損怯已成肺脾腎三臟同病不治之症也用方雖是亦難期有效耳一有傳尸病者於病人未死之前逃於他所而幸有免者此說有否

營衛和調，肌腠固密，病邪從何而侵入焉？能為害療病，必傳同氣骨肉之說，語尤不稽，不可輕信。

厥陰之脈，環陰器上入少腹，厥陰之絡失疏，腹股

傳尸之蟲，每傳於同氣骨肉之人。一法，當傳尸病者之將死也，其骨肉之人，離異一室，不與相近，則蟲不能傳。又有法外之法，將傳尸勞病之人，預先多服獾肝，以斬其蟲，且截其根，更為上着。

張謬曰：近世西醫學理，謂凡病莫不有蟲，惟傳染病亦有隔離病所之條。按人身一小天地，蟲之寄生於人身，猶人之寄生於天地，本無足怪。惟因物腐而生者，人不能勝其蟲，而蟲即為人之害。傳尸勞蟲，其尤者也。至於傳染之說，大約勇者氣行則已，怯者即着，而為病。身上常佩如阿魏、大蒜、生姜、雄黃之屬，亦可以免。必至骨肉離異，似太不近人情。

一患疝多年不愈，囊腳腫大，行步不安，硬如石頭，有時流膿水，小便不利。治濕理氣，及諸疝方兼投不愈。

疝有三說，每說皆七、三、七、二十一之說。其實皆各說其說而已。此疝則更出於各說，其說之外名為小腸氣。夫小腸氣又有寒濕、濕熱兩途。如囊腳腫硬，膿水時流，小便

溝脹痛、疝病作矣。方以清利濕熱為主。須佐以疏利肝絡。徒恃清化。效力不大。擬去燈芯肉桂加檣核三錢。荔枝核五枚。

平素嗜酒。日積月累。積之已久。濕痰阻腸。胃脘作痛。食難

不利。原在濕熱之條。不可與寒濕之疝同日語也。宜以加味通心散合二妙散。

瞿麥

木通

甘草稍

連翹

淡芩

川棟子

肉桂

車前

燈芯

淡竹葉

茅朮

黃柏

張謬曰此方輕靈圓活。並無新奇。有如初榻黃庭。恰到好處。

一中年胃脘作痛。飲食不下。或食下良久吐出。或隨食即吐。大便燥結。面黑肉削。

嘔逆吐痰。有時飲食倍常。不妨咽喉。平日好酒。與順氣化痰。溫脾養胃。及六味

八味不效。

胃脘當心而痛。其痛有九。痰血居其二焉。二者之因。因於耽飲者居多。蓋溫飲下咽。

積濕生痰。阻氣作痛。熱酒入胃。動血成瘀。阻道亦痛。無怪乎膈咽不通。飲食不下。大

便燥結。面黑體瘦。以昭營衛乾澇之狀。若得瘀血一消。營衛流行。通則不痛矣。第恐

大便燥結，方

以豁痰泄降、

抑其上逆之勢、

潤府泄導、通

其燥結之閉、

但閉格既成，不

易圖治、回憶先

業師張山雷於

一九三三年，歡度除

夕，鷄骨梗喉，咯

吐不出，當時不以

為意，翌年春間

覺胸膈滿悶、

食難下，腸移時

即吐，延之初夏，

後來飲食自倍，腸胃乃傷，未免復蹈前轍。慎之慎之。擬三子養親湯，合旋覆花湯加味。

蘇子

萊菔子

白芥子

旋覆花

青葱

大麻仁

瓦楞子

瓜蒌仁

新絳

另元明粉錢半，紅麴錢半，痛時火酒送下。

張謇曰：此症腸胃積有蘊熱，痰濕阻滯於上，津液結而為乾，脾不運而大便約，胃火旺而飲食倍，余亦患斯症，常欲得噫與下氣而稍瘥，可見痰以下行為順。龐安常所謂天下無逆流之水，人身無倒上之痰，深得此中三昧。先生立方從清潤着想，用瓜蒌麻仁大有深意，再宜加入黃芩、丹皮、姜竹茹之屬。一年四十餘，勞傷過度，咳嗽吐血，痰久而不已，入夜發熱，嘔吐痰血，音不清，喉痒

痛，胸中隱痛，坐臥不安，形體衰弱，少納，自汗盜汗，脈微細數而弱，用補肺補脾

病遂不起。

勞傷過度，咳嗽咯血，初時能以和調營衛，佐以清肺鎮咳寧絡，必不至釀成重症，今則病經日久，損及脾元，諸盤惡候接踵而至，生脈六味，焉能奏功。

八味臘礬等方不效

五臟六腑皆令人咳，非獨肺也。然總不能出此門戶。所以病日經久，聲音不清，咽喉痒痛，先形其一損，損於肺。據述病起於勞倦，夫勞倦必傷脾，脾咳不已，則胃受之，胃咳之狀，咳而嘔，脾胃俱病，土氣益虛，則母病及子，土不生金，金難完復，已屬重候。而況臟腑皆失其蔭，此胸中隱痛，腕部少納，坐臥不安，形體衰弱，入夜發熱，自汗盜汗，脈細微弱等證，所以相繼而來也。在初時可以金匱麥門冬湯，加枇杷葉、茅根，共成止逆下氣之法，後來生脈六味亦可投之。

張謬曰：此症營衛俱病，當初起時，即用和陰益陽，如黃芪建中，加入肅肺清金之杏貝青蛤瓜絡等，即不至成下症。今則已上損及腎，下損及肺，原屬難治。脈微者，氣衰也。細者營虛也。弱者營衛兩不足之象也。難經曰：損其肺者益其氣，損其心者調其營衛，損其脾者調其飲食，適其寒溫，損其肝者緩其中，損其腎者益其精。此治損之法也。然肺為華蓋，肺為嬌臟，肺氣一肅，諸恙可十減其半。是以先生立

會陰之處乃至

陰之部患瘍

病不易收只宜

以双調氣血緩

緩固之方有捷

效。

方用麥門冬湯以保肺清金加枇杷葉疎絡中之氣茅根清氣中之營後來之生脈六味亦無非爲肺臟而設名言至理學者宜體味之鄙意擬增入辰砂拌天冬鹽水炒細生地南北沙參煨牡蠣蛤殼數味以爲三才之用合天地人交泰之意更爲妥洽。

一年四十外患懸癰十餘年不愈膿血不止瘡口不收或小便從瘡口出或腫痛難忍服補氣血扶脾胃及六味八味大補丸之類外敷解毒生肌之藥雖稍好不能全愈。

懸癰生於穀道之前陰器之後乃三陰虧損濕熱結聚而成十餘年瘡口不收小便從瘡口而出已成壞證所以時重時輕不能全愈此係本人先天尙好實因失於調治未以濕熱化清留於穴中所致國老膏化湯吞服蠟礬丸間日用之常以黃明膠日服三錢爲是。

張謬曰其氣下陷宜與升提補中益氣合五苓散服。

痔疾初起由於濕熱蘊結，積之既久，陰分已虛，乃成漏管，治之較難。

膿水既多，久不收口，以致腰屈難伸，步履困難，氣血兩傷，非大補氣血不

易國台。

一年四十餘，痔漏多年，大便閉結，膿血不已。初用清涼之劑不應，又與補劑不效。古人云：小腸有熱者，其人必痔。痔之所因不一，痔之形狀亦不一。姑置勿論。此痔多年，經久成漏，雖穿腸久漏之苦，而大便燥結難通，膿血穢汁下無虛日，似有藏毒之形。仿藏毒例治可也。槐花猪藏為丸。

張謬曰：此亦三陰之疾，氣不升而濕滯於下耳。宜仿前症懸癰例治，再加清營之品。

一左脇下及兩股腫痛，忽膿水自出碗許。後來流膿不止，腰屈難伸，肌肉漸瘦，行步不便，或寒熱少食，用補血氣、養脾胃、補陰壯筋之藥不效。

嘗聞肝脈佈於兩脇，脾邪留於兩髀，髀脇之處既困，營氣不從，逆於肉裡，乃生癰腫。肝脾之同病顯然，膿水流矣。其毒應解而尚不能收口，腰屈難伸，行步不便，昭其肝虛不能生筋也。肌肉漸削，飲食少進，昭其脾虛不能生血也。寒熱往來，不時舉發，昭其肝脾營衛之皆虛，兩不和諧也。然則歸脾養營與此的對，可服百劑無疑。

歸脾湯 人參養營湯

張謬曰推究病因。明察秋毫。足爲後學師法。

一年過三旬。楊梅瘡愈五六年之後。遺毒結聚。咽喉腐爛疼痛。飲食難下。聲啞鼻汗。行步不安。用臭藥搗藥暫好。日後再發如前。形瘦色黑。脈微細數。用補劑及五寶丹等稍好。不能全愈。

楊梅瘡乃時瘡也。或從氣化傳染。或從精化慾染。不必詳明。蓋此時已成結毒。一而再。再而三。內而藏府筋骨。外而血肉營衛。無不枯槁。以形瘦色黑。脈息微細。未便再以毒論爲主。十全大補湯加土茯苓爲宜。

十全大補湯加 土茯苓 四兩

張謬曰。人當交合之際。百脈振動。左腎之水爲右腎之相火蒸動。其水氣自下而上。有如釜氣之蒸騰。及男女歡洽。中心開放。陰陽之氣漸漸融洽。其竅一開。而精則自上而下而泄矣。有如釜蓋揭而氣水下滴矣。精卽水之所蒸。氣卽精之所化。

梅毒乃惡瘡也。

一有感染。終身

受累。禍延子孫

可不守身如玉。

潔身自愛。

張君論受病之
源既詳。迄今新
社會領導。已无
娼妓。此病亦絕迹。

脾胃無運化之
權。多食則痛
嘔吐酸水。治以
枳實理中。溫

厚中樞。自能

精也氣也水也。一而二。二而一也。夫唱婦隨。關雎和洽。亦陰陽之自然。男女之大欲存也。世風不古。男貪女愛。於是淋濁橫痃。魚口便毒。楊梅結毒。諸症由是煩矣。蓋女之所受也不純。慾火於是益熾。男之所出也不速。爲淫火所蒸迫。左腎之水煎熬殆盡。而相火正旺。火見物卽燃。肝木於是爲之引動。而厥陰經之毒。遂不知不覺之如照相攝影已印入其中矣。是故楊梅症之發。必在草木萌芽之候。古人以楊梅名瘡。皆取初春從發之義。初起宜用麻黃一劑飲。以透其毒。若此症其人雖虛而其毒究未能清。土茯苓一味解毒則有餘。搜通經絡則不足。宜加入防己。獨活。瓜絡。冬藤。首烏藤之屬方妙。

一年四十餘。右胸腹痠痛。嘔吐酸水。發有微甚。形瘦食減。多食多痛。少食少痛。脈遲微細。十餘年前曾食雞肉。腹痛嘔吐。自後時作時止。醫以食積治不愈。進理氣健脾丸。大和丸。又不愈。用溫補（謬按誤在補字。若用溫通則已愈矣）脾胃之劑。少加化痰止痛之品。亦不愈。

效如神鼓矣。

食入而痛是有積也。先哲之言。豈欺後人。今既痛嘔。微甚。隨食多少而作。遵食積例。治竟不見效。轉用健脾等法。亦無所長。因思少納體瘦。本可以枳實理中湯。攻補兼施。況此湯能治久積。雖數年之積。遇之往往應手獲效。用仲聖法。

枳實理中湯

張謬曰。按語如老吏斷獄。用方自親切不浮。

一年逾四旬。寒熱交作。筋骨疼痛。不能轉側。日久臏膝腫大。腿脚消細。少食形瘦。

六脈浮大。按之微細。用大防風湯。補中益氣湯。及六味八味丸等劑。俱不效。

鶴膝風膝關節

獨大兩脛瘦削

病勢至此不易

獲效。

鶴膝風者。即風寒濕之痺於膝者也。如膝骨日大。上下肌肉日枯。且未可治其膝。必須先養氣血。使肌肉漸榮。後治其膝可也。此與治偏枯之症。大同小異。急澆其未枯者。使氣血流行。以復常度。前言可法。未便擬一呆方。

張謬曰。鶴膝風有水旱二種。水者發暴。偏于濕勝。旱者發緩。偏于寒多。要之皆由使內太過。腎氣衰微。血脈阻滯。注于膝而成病。拙意宜用腎著湯加減。然不可概。

西醫擅長手術，
遇有腫瘤，請其
割除，取費既廉，
病亦易除。

瘤分良性惡性，
良性瘤可割除，
惡性瘤雖西醫
亦望而却步。

年屆五旬生一
黑痣，遂用艾

施於小兒。

一年過二十，陽明經氣衝穴發一肉瘤，並不疼痛，漸漸長大尺餘，數年後出清膿五六碗，平復如舊，後仍漸大如初，又出清膿五六次，遂身瘦骨落而死。

瘤有五，肉居其一，當其長大之時，漸漸起一頭粒，夫然後清膿從此而出，宜於清膿未出以前，頭粒初起之時，即用外科昇降之降藥，微微擦些，間日用之，使其漸潰到底，何至於死。

張謬曰：瘤除氣瘤血瘤外，本可割截，今之走江湖者，類能爲之，而大方家反見之，却走罕精其術。自西醫盛行割截學，益復昌明。一般患贅疣者，相率從事於割截，効者固衆，因割截而速死者亦夥。蓋割截之術雖精，而可割與不可割之原理，形質實未能辨晰之也。先生之法亦可用，大約肉瘤係膏梁厚味炙煇熱毒所致，又宜薄滋味茹素清靜爲要。

一年五十餘，陽明經迎香穴發一個黑痣，如指尖大，用艾灸終敗，竅如楊梅毒乾。

面無好痣之說

是星相家騙人

詐錢之言胡可

深信。石灰糯米

點痣有效或不

效

久瘡不愈。氣

液兩方。宜大劑

養血補氣。氣

液既充。瘡口

收斂。可望康

復。

而無膿。漸漸長大。終及升面。諸藥不效。

面無好痣。於點為宜。然點法用石灰糯米搗和。些些點在痣上。二日夜自然脫落。若用艾灸則傷肉矣。肉傷於他處猶可。而於面部最不相宜。蓋面為陽。艾亦為陽。兩陽相遇。火毒自生。既傷痣處。延及四旁。勢使然也。不去其毒。漫無愈期。可用麻油調菘豆粉日塗一次。

張謬曰。石灰之法。雖古書所載。特未必皆效耳。麻油之法。以治傷處。頗具巧思。

一年二十餘。委中穴發棉花瘡。用解毒藥不效。又用五寶丹不效。又用擦四脈靈丹不效。終上及股肱敗爛骨露而死。

腎有邪。其氣留於兩膕。膕即委中穴在焉。形如棉花瘡。發於此穴。所謂精化。乃肝腎受毒。其患先從下部見之是也。毒在骨髓。宜從骨髓提之。既提之後。元氣虛者。又須歸靈湯內托焉。

歸靈湯

當歸

川芎

白芍

熟地黃

米仁

木瓜

防己

白蘚皮

花粉

銀花

人參

威靈仙

白朮

甘草

牛膝

土茯苓

張謬曰宜用珍珠散外搽使口欽膿止乃妙或當初起時用合掌散擦之

一年二十餘一日渡水感寒發熱頭痛忽眼睛突出脹痛無光用荆防敗毒頭痛

即止脈洪大而長重按似弦虛里穴動脈跳如杵米飲食如故二便如常並不

效嗽愚疑勞症即用六味左歸桂附地黃右歸十全大補不愈身瘦而死未知

何症

胃之大絡名曰虛里其動應衣宗氣虛也此更跳如杵米明是宗氣胃本陽土前服

敗毒散將外風散盡頭痛等症幸而即止殊不知身中肝經之風性即乘風藥上升

來尅胃土後來風性能食風消則瘦皆由於此是敗毒之服偶中於前而虛里之病

發熱頭痛睛突出肝陽上扰以辛溫發散火得風而益熾心動過速心跳加快宜益陰潛陽較妥

甘麥大棗湯加

生白芍若能早

投必不致身消

瘦而死亡。

風濕外侵經隧

不宣痰瘀內阻

著而成痺祛化

通絡活血消痰

久服當有效果。

漸開於後矣。如以甘麥大棗湯與芍藥甘草湯兼治未識是否。

炙草 小麥 大棗 白芍 宜重用

張謬曰方藥親切論症透達四味中甘芍宜重用。

一年五旬餘背痛不能就枕枕則脛背疼痛難忍憑几而臥七月愚疑瘧病即用

荆防敗毒五積散桂附八味丸大防風湯之類不効。

俯而不能仰尻以代踵脊以代頭形容少陰病也五十餘歲之人腎氣已衰未免有

之然亦不至升逆太甚臥難着枕茲因背痛而然必有所良其背者矣太陽之經行

身之背背有外來之風濕內積之痰瘀皆可作痛痛因風濕者必緩痛因痰瘀者必

急據述痛不可忍并不可以轉移非痰即瘀瘀則地龍湯痰則苓桂朮甘湯加椒附

皆可選用。

地龍湯

地龍

肉桂

桃仁

羌活

獨活

甘草

黃柏

麻黃

蘇木

當歸稍

張謬曰。素問審治篇曰。諸氣臏鬱皆屬於肺。諸痛瘡癢皆屬於心。靈樞痛論曰。厥心痛與背相控善癢。如從後觸其心。偃僂者。腎心痛也。此症背痛不能就枕。按背為胸中之府。肺俞在也。而兩腎之脈俱貫於脊。所論風濕之侵。痰涎之積。言之有理。然太陽之陽光既微。而痰濕之霧蔽益晦。營衛失周行之度。筋脈成拘攣之形。肺氣以之臏鬱。心腎以之不交。立方用藥亦宜顧及。如旋覆。蘇子。指迷茯苓。六味地黃之屬。可以並用。

一痢疾赤白。裏急後重。膿血下痛減。大便下痛甚。久不愈。肉削少納。用芍藥湯。四君子。參歸芍藥。胃風湯。胃關煎之類不効。遂至六七年不愈。

痢有赤白。白自大腸來。赤自小腸來。所以赤白之色不分陰陽。而分氣血。前人論之詳矣。當痢之時。痛則為實。不痛為虛。若痛隨痢減。其為實而不虛也無疑。乃若大便

痢疾古稱腸游文

名滯下。濕熱內蘊

積阻腸間。裡急

後重。腹痛下痢

赤白。治以清熱化

滯。通因通用可

所謂通則不痛是也。此病初起，忌用酸澀補斂，否則乍止輒發，纏綿不已，即成休息痢。若久痢陰傷，當急以益陰救液，扶脾健胃為先，臟連丸不切病情。

真中三陰之真寒症，法當回陽救急，何以半月之後，安然神困不食，氣

下時痛勢反至不可忍者，或因痢久不痊，變為痔瘡，或為藏毒，二者一經大便，無不痛劇，節外生枝之病，當於活潑潑地求治。

藏連丸

張謬曰：六七年痢尚不愈，其中必有休息之時，不然陽虛陰脫，尚能久於人世乎？金匱云：下痢已瘥，至其年月日時復發者，以病不盡故也。宜下之。此症雖非對年復發，然其有時大便，有時膿血，可見有乍作乍止之日，而因邪氣之不盡，與金匱所云暗合也。然先生立方，不用承氣，而用藏連者，痢久傷陰，腸液灼盡，以藏補藏，用連以清之，所謂活潑潑地，自在意會，而難於言傳也。

一傷寒真陰之症，五六日，用回陽救急，加味理中，附子理中之劑，病漸愈，至十四日，五日之後，精神困倦，飲食不進，忽發氣喘而死。

傷寒陰症，回陽救急等法，用仲景溫裏之條，於意正合，可謂先得我心，速則七日來復，遲則天地之氣半月一更，人身之氣亦半月一更，更則元氣未有不復，復則愈矣。

喘而死必有其他原因。叙症未詳，脈舌不言，未便懸擬，置之不論。

中風病須分外風內風，不能概以三生飲加味理中湯混同施治。

外風既撤，內風未息，當清肝息風為治。張汝偉

此乃半月有餘而亡，明明腎氣獨絕。

張謬曰：斯症未言症象，未言苔脈，未便妄擬。先生所言腎氣獨絕者，見其忽發氣喘耳。

一中風之症，僵仆眩倒，不論虛實痰有無，即用加參三生飲加味理中藥而得始愈，然未能全愈三五年或十餘年之後，帶病而死，斷是有藥不的之處。

中風一症，無論夾痰夾氣夾火，總以陽虛邪害空竅為本。先生已用三生飲等方，雖古賢治法亦不外是，所以向愈原有期也。既愈後，自知葆養，永戒肥鮮，或旁人謹慎調護，不使亂食多氣，則百年有身，可收桑榆之晚。雖或五年十年不等而死，較之三年即死者遠矣。茲所疑者，未能全愈，終歸帶病而亡，都在中經中絡中府三者條內。或有所夾，未經清理，即於此三中之中以求三夾之夾，循序治之，或求其內風之習，習或求其陽虛之不充，皆神而明之，事未便懸擬。

張謬曰：風為百病之長，無處無之，然有外風內風之殊。斯症既中外風引動內風。

竟以侯氏黑散堵

塞空竅以絕內風

立說已受古人欺

蒙須知人身氣

血流行無端安得

以為物堵塞那不

窒塞致死張氏為

近明哲猶有此失

自僧以下可元論矣

難經傷寒有五內

經熱病者皆傷寒

之類包括外感病

廣義而言此病發

熱三日謔言煩躁

所致服藥後外風解而始愈而內風固仍因先天之不足習習而動愚意宜參用

侯氏黑散堵塞空竅以絕內風之原未知當否

一傷寒發熱二三日謔言妄語胸膈煩躁飲食不下不省人事六脈浮數無力醫

認虛症用麻黃附子細辛湯不應改用回陽救急湯不待三帖而斃按此症脈

浮數無力裡虛有表邪欲發汗裡愈虛欲補裡表不解症亦係急當用何方

傷寒有五溫熱居其二焉昔賢云風寒之邪一汗而解溫熱之病投涼則安此傷寒

纔起二三日即見謔妄煩躁不省人事是屬溫熱之邪初則葱豉湯中則黃芩湯清

心涼膈散末則犀角地黃湯白虎湯等方皆有成法可師至於虛脈虛症夾雜其間

又有人參敗毒散九味羌活湯與小柴胡湯竹葉石膏湯并玉女煎黃連阿膠湯亦

皆有條例可循若謔語煩躁不因此而見者或夾食或夾痰則溫胆湯滌痰湯小陷

胸湯牛黃丸至寶丹之類無不可擇所宜者兼理之也地處東方真傷寒症應少而

此種類傷寒症未有多書中所戒桂枝下咽陽盛則斃與夫承氣下咽陰盛則亡

无方乃陽明熱熾，
津液被灼，誤認少
陰寒症，麻附細辛
湯以陽助陽，抱薪
救火，那不焦頭爛
額，含藥而亡。

平素嗜酒，膏粱
厚味，濕痰內蘊，日
積月累，一旦暴發，
半身不遂，飲食能
進，帶病延年，然淹
留牀蓆，轉側困
難，脣部褥瘡，
潰爛生虫，夏則
臭氣四溢，妻兒

各垂炯戒，容或犯之，未可知也。

張謬曰：此症謔言至脈浮數，明是陽明熱邪，投以人參白虎法一劑，可愈。乃反用辛溫以助火不死，何待傷寒溫熱自古混淆讀此一問一答，詢可為覺世指迷之寶筏也。敬佩敬佩。

一年五十餘，平日好膏粱厚味，肌肉肥胖，精神自在，大便如常，小便頻數，有時胃口痞滿，或飲食失節，即易泄瀉。一日蓋被睡着，過暖起來，忽然得右手足不遂之症，然飲食能進，精神如常。此症屬何經何藥乎？

肥人多濕，膏粱多痰，痰濕既多，胃氣必厚，脾氣必薄，薄則不能為胃行其津液，外雖有餘，內實不足，結之於中，則痞注之於下，則泄旁流，四肢偏於氣分，則右手足不遂，輕則為痺症，重則為類中，蠲痺湯主之，六君子湯加麥冬、竹瀝亦主之。

張謬曰：肥人之痰濕固也，然不宜過燥，蓋肥人多陽微，氣弱，行動即喘，汗出溱溱，是其徵也。每見肥人自謂痰濕過甚，常服燥烈之藥，如朴、橘、荳蔻之屬，耗氣燠津。

多矣。觸目傷心，可不懼哉。

素問調經論曰：血之與氣併走於上，則為大厥。厥則暴死，氣復返則生，不返則死。肝陽上冲，腦神經受撼，則神識昏迷，肢體不仁，眼喎斜，言語蹇塞。西醫謂之腦充血，腦溢血，跌撲受震，腦血管破裂，即死矣。

養成卒厥之症，是以斯症雖痰濕為重，而先生立方仍顧其陽氣而清潤其痰，使其氣旺而痰自化，妙諦真詮，尤為師範。

一中風之症，河間主火，丹溪主濕，東垣主虛，或云外風，或云內風，或云純虛似風者，或云八方之風者，或云六氣之風者，古來說風紛紛不一，治各不同，不知孰是孰非，有歸一理乎？

所言河間、丹溪、東垣，乃四大家之三也。彼論中風，各呈偏見，已被後人冷眼覷破。爰引喻西昌論，以明厥旨。西昌曰：仲景以後，醫脈斬焉中斷，後賢之特起者，如劉河間則主火為訓，是火召風入，火為本，風為標矣。東垣則主氣為訓，是氣召風入，氣為本，風為標矣。朱丹溪則主痰為訓，是痰召風入，痰為本，風為標矣。然一人之身，每多兼三者而有之。曷不曰：陽虛邪害空竅為本，而風從外入者，必挾身中素有之邪，或火或氣，或痰，而為標耶？王安道謂審其為風，則從內經；審其為火，為氣，為痰，則從三子。徒較量於彼此之間，得非無權而執一耶？且從三子，固各有方論可守；從內經，果何

於汗大出。四肢厥
冷。是陽氣欲脫
急宜回陽固攝。
蘇合香丸可
用。

着落耶。此論精確。玩索自有得焉。

張謬曰綜諸家而一貫會百川以東流暗室一燈光照萬丈可爲軒岐之功臣

一中風卒倒不省人事牙關緊急痰鳴如鋸冷汗大出手足厥冷用三生飲加人

參一兩不效

卒倒無知最防迸入於心當此而用蘇合香丸不獨心經之邪可開卽十二經絡亦無不可開既開之後按部就班原可使其漸入佳境若牙關緊急氣喘痰鳴肢冷汗出真陽上脫危急存亡之秋也黑錫丹或可挽回一二

張謬曰開閉確以蘇合香丸爲最穩

一穀道之間患懸癰陰囊之下結塊如雞子大或散或聚或腫大成膿色濃卽用針刺膿出稍好然穀道之結塊堅硬不能全愈經醫年久不愈予用生地四物湯加花粉澤瀉丹皮或國老膏用之瘡上點萬能膏而減其半未能全好屢用線藥援其結毒不能斷根

穀道之前。前陰
之後。方至陰之部
用藥非多。劑養
陰。不能取效。

穀道之前陰器之後是海底穴外瘍生此名曰懸癰所用四物國老等法前後次序
井井有條尙未收功却爲累事穀道之結塊堅硬不能全平必係三陰虛損濕熱之
邪留而不去年輕可以六味地黃湯年高可以十全大補湯或在二者之間可以二
方合用加歸尾穿山甲龍胆草做丸作補中寓瀉法以使兩全

張謬曰此濕熱下注督脈受傷其氣下陷所致蓋是處爲至陰之地大便努力必
須傷及而操作又宜省力方中再入猪脊髓牛骨髓鹿角膠龜板之屬尤妙

一鼓脹風勞及一切難治之症有一效之單方或諸病湯藥兼投而有效之單方

伏乞抄寫指教

俗語云風勞鼓膈實病難醫難醫云者非不治也實病根既深蒂既固苟非居今稽
古之學問仁人君子之用心曷足語此不得已而思其次亦如諺云讀十年書天下
無可視之病視十年病天下無可讀之書有此才具方能信手拈來頭頭是道斷不
得印定眼目妄擬每病每藥以失陰陽各用之理

張謬曰單方何嘗無之內經之雞矢醴以及千金外臺何可勝數特有專能者必有偏勝之患和田啓十郎所以譏西醫特效藥之不足恃而歎服吾中醫之原因療治也其先生之意也夫

一婦人患泄瀉痢疾二三年不愈時作時止肌肉漸瘦面目手足浮腫六脈沉遲與附桂理中湯附子補中湯加減六君子或五味子丸胃關煎二神丸四神丸等劑無効

先瀉而後痢者脾傳腎也先痢而後瀉者腎傳脾也腎傳於脾則輕脾傳於腎則重此脾傳於腎先瀉後痢其爲重也明矣面目手足俱見浮腫六脈遲細肌肉漸削所取理中等湯正與此症相合而反不効何也良以時作時止二三年不愈名曰休息久痢初起失於通因通用兜澁太早邪留於迴腸曲折之間滋蔓難圖不死不止也當肌未瘦膚未浮脈未沉之時候以駐車丸加減

張謬曰用苦泄於滋養之中滌蘊熱於兩少之內心思手腕俱見敏捷

一女忽然發暈僵仆口眼相引眼睛上視手足搐搦腰脊強直食頃乃甦用驅風化痰清火補氣等藥而不得効時作時止一月二月必發或旬日之內舉發不常飲食倍常

癩症有五陰陽風濕馬是也然妄立五名未揭底要昔賢云癩症之發由腎中龍火上升而肝家雷火亦相從挾助也然則心熱痰迷諸說不過附會而已未便作主其所常服者六味地黃湯加沉香遠志作丸其所暫服者丹礬丸

丹礬丸用黃丹一兩白礬一兩銀罐中煨通紅爲末入臘茶一兩不落水豬心血爲丸如菘豆大硃砂爲衣每服三十丸清茶送下多服其涎從便出以安神藥調之但東方地土多熱或以虎睛丸爲妙虎睛一對犀角一兩大黃一兩遠志五錢山梔一兩爲末蜜丸如椒子大外用硃砂爲衣每服十四粒溫酒送下張謬曰癩症成方甚多然皆有效有不效惟邵小村聶仲方兩中丞所傳之龍虎癩丸雖猛而最效但心志抑菀處境困阨者仍難圖治余見屢矣附錄龍虎方

丸西牛黃三分巴豆霜三分水飛辰砂一分白石三分酌加米粉爲丸如菘豆大每料二十丸輕者一二丸重者二三丸半溫開水送下

一婦人帶下之症形瘦神疲面白唇青頭暈眼花飲食少進往來寒熱用歸脾八物補中益氣十全大補及六味逍遙六君子等不效

帶乃奇經八脈之一帶病多端未便妄論其因就形瘦神疲面白唇青頭暈眼花飲食少進寒熱往來而論當以奇經藥石投之鹿角霜紫石英龜腹版當歸身杜仲蓮鬚桂枝白芍炙草生姜大棗

張謬曰治帶有如治河溢者築堤以防之瘀者開支流以通之先生此法尤爲溶源之妙法治帶之屬於虛寒者宜宗之

一婦人歲逾四十右乳結核十年不愈如石無痛忽腫痛不可忍正頭腐爛如巖穴之凹汚汁流出腥臭診脈數而無力內與歸脾八珍十全等劑外擦去腐肉消腫之藥而不痊

乳巖乃鬱症也有夫則活無夫則死用疏肝清胃丸人參養營湯守之冀其性情怡悅氣血不衰幸甚幸甚若至一潰流出污水而不成膿則就木焉已

張謬曰乳巖當初起時余受業師家傳有必效秘方法用鮮南星生半夏生大貝三味等分共研細末同葱白料酒打爛搓條癖在左塞右鼻在右則反是五七日可愈又方用生芭荳去壳一粒冰片五釐射香五厘同研細末置於清涼膏中貼眉心一日起泡挑碎出水內核自消頗具成效用特附此以廣其傳

一女年三旬餘患右邊偏頭風請走方先生燒針刺之百餘處又以艾葉灸之忽眼睛脹出上下胞臉不能襲合用清涼之藥無效

偏頭風明有風邪偏之於頭化風洩風散風是其正法自古以來首重川芎茶調散斷無燒針用艾治法蓋頭乃諸陽之會以火濟火非所宜也無怪乎有眼睛凸出諸弊如遇偏頭風症可以晚蠶沙二兩川芎半兩僵蠶分兩如患者年歲之數以水五碗煎至三碗就沙鍋口以厚紙糊滿中開錢大一孔取藥氣薰蒸痛處一次即愈年

久不過三五次不再發另以新鮮木瓜置枕邊取香氣透達引散肝風亦良法也

張謬曰用鵝兒不食草同銅錄薄荷研細搐鼻良効取蟬衣作枕亦妙

一女產後烤火太過敝國風俗產婦必用火烤腰腹身體發熱煩躁口乾引飲小便難通六脈洪大而長知是火毒入心經用補中益氣湯去白朮陳皮柴胡加生地麥冬五味茯苓葛根皆無效又用加味歸脾湯新方二陰煎及壽脾煎之類亦不效終發腫而死

產後九禁第四則寒也所以產後房中避風牀多被褥一切寒涼食物皆不可進以使和暖如在冬令可以火盆置於帳外若值夏月則惟有厚棉衣服暖護腹背本無取乎烤火貴處有此風俗火毒逼入於心亦未可知果見身體發熱煩躁口渴小便難通六脈洪大權以化法正合仲景之產後例治後人云既有火邪不得不清是也小柴胡加黃連之類但產後脈宜細小不可洪大洪大已屬壞症至於終成浮腫或因瘀血發熱或因風邪發熱皆可以傷元氣內經云因於氣爲腫亦未可知必須自

裁

張謬曰產後一塊冰一語最不可信若陽旺之體或內挾暑熱及冬溫者亦有用玉泉散羚羊角散等法先生之言指破迷途不少

一妊娠之婦臨產兒近玉門交骨不開不能出生時用芎歸湯加味芎歸湯補中益氣之類無效

交骨不開元氣不足也大劑人參童便入芎歸劑中助其血氣則開闔之功立見如不即開安心靜養當吃則吃當臥則臥慎勿驚惶

張謬曰瓜熟蒂未有不落者而世之難產何其多也實則非產之難乃難其產而遂產難也夫未產而先已驚惶已產而尤多恐懼殊不知驚則氣亂惶則荒張百脈不能約束交骨自難撐開而胞衣一破小兒大動八脈牽引爲禍多矣而既產之後恐則氣凝懼則膽怯氣結則營衛不行瘀血以之上逆或爲冒或爲癥貽害益多故凡臨產之女以及產後之婦必須有經驗有定力之人侍其左右囑其起

居如常切勿臨事而懼不可順意安佚則產亦易耳何難之有故貧賤之家鮮難產而膏粱之體多難產皆驚惶有以致之耳苟能鎮定不驚勿藥可也世之患產難者宜知之

一產婦胎衣不下五六日諸藥無效飲食能進元氣虛弱動則發喘無方可施危在旦夕束手俟死當用何方

胞衣不出瘀血貫入胞中為多蛇蛻一條香油燈上燒灰入麝香少許童便調服或加蘄艾阿膠蘇木各一錢麥芽末打糊為丸名烏金丸如喘急欲死胞衣已爛用牛膝湯服之即下

牛膝湯

牛膝

當歸

瞿麥

麥冬

滑石

通草

葵子

一方無滑石有桂心

張謬曰甚者加蟹爪麥芽丹皮之屬若見詁語可用回生丹

一婦妊娠五個月初秋患傷寒真陰假熱似陽症欲投溫熱胎難保欲投和解裏寒急不得已而投回陽救急湯胎隨墮熱不退血間下譫言妄語飲食能進小便色紅大便如脂或見嘔吐青水六脈弦大無力

真傷寒西北本多東南則少江南在南貴處在東所見傷寒是名類傷寒實非真傷寒也間或有之當用麻黃湯桂枝湯解表爲主如表證從太陽傳入陽明之經又當用葛根湯如表症從陽明再傳入少陽之經又當用小柴胡湯三陽如此而傳及三陰者仲景之三百九十七法一百一十三方各有三陰解表方在如犯風暑濕燥火五者之邪名類傷寒而其治理又載河間東垣丹溪等諸大家書內採取可也未便呆用仲景方法然仲景條例方法仍不可舍也若舍此不求有如匠人舍規矩繩墨而難得其方圓平直也必矣至於真陰症格陽症仲景本有溫理諸法法如對症未有不效於頃刻據述回陽救急胎即墮矣是未必真陰格陽之症果如此症必得內經毒藥治病有故無殞之妙茲既反是宜於風暑濕燥火五者之中求之所言熟

不退間下血譫語妄言能食溺紅大便如脂嘔吐青水六脈弦大無力等症未便妄指病名亦未便妄立方法

張謬曰據此推詳其爲伏暑挾胎火症無疑用藥亦非所宜犀羚芩翹菖蒲鬱金之屬可用也

一婦人年二十餘歲懷胎至七個月必小產下血太多胎動異常小腹亦痛安胎補陰之劑不效又用補陰止血之劑亦不見效此婦屢受胎屢小產諸藥並不見效

產書云婦人半產多在三個月五月七月除跌撲損傷外因內熱而虛者爲多曰熱曰虛當分輕重須多服養氣血固胎息之藥以補其虛損若滑胎甚者八珍加陳皮膠艾條芩氣多加香附砂仁茲滑胎必在七個月肺氣虛也宜以人參麥冬加之宜於未交七個月時預先服用以防其滑倘下血胎動腹痛單以膠艾四物湯去熟地加生地黃芩三錢可也

一女人年近七旬胃脘心痛多年不愈發時則從右脇冲胃口胸背牽痛難忍嘔吐酸水不進飲食四肢微冷汗出不止喜溫熱惡寒涼止時則起居如常稍覺精神倦怠飲食不思此症當用何藥

右脇下乃肺所作用之處也又爲痰所竊踞之地其氣衝胃則痛嘔吐少食肢冷自汗喜溫惡寒明是脾濕生痰逆肺之用犯胃之口氣分阻塞也苓桂朮甘湯三子養親湯合而用之卽愈愈後倦怠少食六君子湯加香砂最妙

張謬曰金匱云夫飲有四何謂也師曰有痰飲有懸飲有溢飲有支飲又曰飲後水流在脇下欬吐引痛謂之懸飲而統觀治飲之方不外苓桂朮甘扶土泄木斯症之狀實懸飲之證也金匱惟懸飲方用十棗湯奈高年陰陽均弱而飲邪又阻陽光之用不得已用化於補微苦微辛兼甘以調之而出斯方若見喘逆陰陽之氣不攝者可用腎氣丸若年壯體實十棗湯原方治之

一敝國婦人妊娠至於九個月必用雞一隻豬蹄二隻同煎和五味食之稱爲滋

血滑胎之良方不知妊娠用之好否

雞屬異外應乎木內通乎肝古人所以有利婦人不利男子之說黃雌雞治產後虛羸黑雌雞治胎息不安皆因其滋養肝血也肝血既得滋養凡屬血肉之所無有不爲滑利滑胎利產理所必然若論豬蹄乃催乳法也衝脈隸於陽明陽明之血上爲乳汁下爲月水豬蹄一物上既可以通乳下豈不可以通衝脈而亦使其滑利耶二者同食頗佳

一婦人產後五日不論虛實皆用豬蹄二隻雞一隻海蛇一條同煎和五味食之稱爲消瘀血生新血之品食之不知可食否

雞與豬蹄產後本宜而海蛇味鹹經云血病無食鹹似於產後不宜第考海蛇之性平而且溫可消瘀血可補產虛合三者共煑食之近似有理治既可通習亦成慣無疑慮也

張謬曰如吾南人產後往往忌此二物以蘭薰代豬蹄以乾菜代雞豈五方之風

氣不同歟抑亦體質習慣使然耳禮曰入國問俗內經云臨病人問所便其指此類歟

一婦人產後不論冬夏晝夜烤火熨暖腰腹或七日或九日纔止蓋產後易犯血熱不知可用此法乎

產後禁寒本要暖熱當冬烤火變作暖房未爲不可若在春秋兩季則於烤火不宜溫暖其衣服綿密其帷帳閉下其門闔足矣若於時爲夏當仍張絺葛之帳被褥用薄棉衣服亦然卽所靠之枕麥芽與菜殼最宜通草尤良微以薄棉蓋襯則不受暑熱矣豈可如冬月之過暖哉

張謬曰事有積習之宜改者如此類然積重難返言之者苦口聽之者逆耳醫其尤者此醫之所以難爲也

一婦人平素思慮太過經閉形肉枯瘦五心煩熱舌乾口渴咳嗽吐痰稠黏小便白濁大便泄瀉晝夜下七八度入夜少寐飲食不進診脈微數無力予用加減

補中益氣加炮姜五味或加味四君湯加五味肉荳蔻炮姜之品與服而不效
思慮太過則心血耗矣耗則胞脈自閉月事不來蓋胞脈屬心而絡於胞中心氣不
得下通故月事不來也月事不來則水虛不能濟火無怪乎肉削心煩舌乾口渴咳
嗽吐痰溺濁少寐脈微數而無力一派虛勞之象當此而用六味歸脾逍遙頗爲合
作至於飲食不進大便泄瀉脾胃已敗無從下手矣

張謬曰經云二陽之病發心脾有不得隱曲女子不月其傳爲風消其傳爲息賁
者死不治按二陽者足陽明胃手太陽大腸也腸胃原屬腑病惟有隱曲於其間
思慮太過則肝傷木旺土敗而龍相之火俱熾是以五心煩熱也舌乾口渴已見
風消之象兼以泄瀉更著脾敗之形逍遙歸脾原屬正治怡養天和又爲至要不
然棄九仞於一簣藥石難爲功也

一婦人平素思慮太過經閉驚悸怔忡不寐或歌唱大叫狂言妄語或啼呪或欲
妄走不思飲食予用癩狂門之加味逍遙或歸脾加茯神柏子仁或溫胆或硃

砂安心丸兼用不效

狂之爲病皆由阻物過極如思慮太過經閉血凝即所謂阻也阻之過極變爲狂矣始如驚悸怔忡不寐少食繼而歌唱狂妄啼咒亂走爰杜撰一法取用加味逍遙散合入犀角地黄湯可否

張謬曰似宜加入化痰之品如胆星半夏白金滾痰之屬尤妙

一婦人經閉一年半寒熱往來倦怠嗜臥飲食不進變爲鼓脹之症腹肚腫滿手足浮腫小便利大便微泄可坐不可臥六脈沉重按則得之輕按則不應指予用四物湯去地黃加紅花桃仁厚朴枳殼牛膝香附肉桂之類或用金匱腎氣丸壯原湯啓峻湯之類不效

先哲云下手脈沉便知是氣氣鬱日久經閉不行從此營衛不諧脾胃暗衰寒熱往來嗜臥少納便溏浮腫接踵而來歸脾湯或四物湯俱要四磨飲同用

張謬曰往來寒熱肝之邪也腹肚脹滿脾不和也木來尅土肝脾不和小建中湯

加香砂枳朮鷄金腹皮等亦主之四物嫌其滋也

一婦人患痢疾經年五年膿血兼下晝夜七八度裡急後重疼痛難忍診脈沉微有力百方無效予用參歸芍藥湯加味六君胃關煎或六味丸加地榆槐花桃仁紅花之類服而無效

熱痢下重者白頭翁湯主之此下膿血裡急後重腹痛難忍脈沉有力豈非熱痢下重乎白頭翁湯誠爲對證勿以年久而忽之

一婦人年四十餘素稟薄弱身體消瘦痰喘之症多年不愈常常舉發夏秋者多發而春冬者少發發時則晝夜不能臥飲食不進診脈微細有力予常用四君子湯有效然未能斷根

喘有標本本出於腎標出於肺肺爲上喘上喘多實時發時止當發之時蘇子降氣湯合瀉白散足矣當止之時四君子湯大妙然欲斷其根則難欲緩其發尙易六君子加歸芍與指迷茯苓丸作丸無間斷服之或見益也

張謬曰此症甚於夏秋而減於春冬是爲痰火氣逆之喘法宜從清若甚於春冬而減於夏秋是爲寒飲水蓄之喘法宜從溫然火旺爲痰水泛爲飲症狀雖有從陰從陽之異其飲食下咽不爲津液而爲痰飲則一也痰熱宜從先生之法若痰飲則又當用薤白括蕒芩桂朮甘控涎丹旋覆葱絳之屬不可混同施治者也

一婦人楊梅瘡愈後變成結毒之症頭面處處破爛身體生塊咽喉腐爛筋骨疼痛飲食不進肌肉消瘦多年不痊予用五寶丹四脈靈丹薰鼻藥等不能全愈楊梅結毒毒結於骨髓也不因薰火收遏必因點藥收斂發則筋骨作痛三焦皆可以見外用解毒紫金膏內用草薺湯久久自效

解毒紫金錠

細塊礬

紅明淨松香

各一斤

研極細末麻油調稠先將葱艾甘草煎湯洗淨搽藥油紙蓋好軟布紮緊三日

一換

葶藶湯

葶藶

苦參

防風

威靈仙

胡麻

羌活

川椒

石菖蒲

白芷

蒼朮

紅花

龜腹版

甘草

黃柏

當歸

何首烏

臨服入酒一杯

一婦人三十餘歲患內痔之症大便閉結肛門疼痛不可忍時時下血形容枯槁骨露常日嗜臥飲食不進診脈三部微數無力予以三黃湯臟連丸等兼用不效

內痔下血本與藏毒兩途然其治法則取一意將藏連丸中之黃連揀去取槐花照黃連分兩納入豬腸同藏連丸製法製之服法服之可也

張謬曰槐花代黃連同為涼苦一泄一澀一入心與小腸一入肺與大腸用法同

而取意妙甚葦薢茯苓輩可以加入

一婦人年三十歲患帶下之症赤白兼下淋漓不絕身肉漸瘦五心煩熱心氣煩悶不安少寐四肢倦怠嗜臥飲食不進診脈洪數無力予用加味歸脾十全大補去肉桂加膠艾葉香附或七福飲加龍骨牡蠣或五灰散等劑不痊

赤白帶下濕熱之邪暗傷帶脈也久則肉削心煩諸症氣血皆虛當以八珍湯一分椿根皮丸一分合爲丸藥服之

椿根皮丸

椿根白皮

高良姜

黃柏

白芍

張謬曰宜加許知可思仙圓意以維督帶方妙

一婦人年四十餘歲自幼患心腹痛引腰背大痛不可忍或吐涎沫飲食不進予用枳砂二陳湯四五帖則安然時時發起不止改用無價金丹久服不能斷根腕腹作痛引及腰背吐涎不納而用枳砂二陳湯取效是痰氣病也當以香砂六君

加烏藥沉香歸身白芍繼之於後

張謬曰痰凝氣滯必挾瘀血歸身白芍用意可思如背部形寒可加肉桂以透營中之表而疎血中之氣

一婦人年三十餘生子皆夭亡因此憂鬱日加不幸丈夫又死更加憂悶無所暢快形容枯瘦骨露時時心腹疼痛肌肉刺痛常常頭痛飲食少進四肢倦怠嗜臥諸醫藥方無効予用歸脾壽脾七福飲等劑終不見効

二陽之病發心脾傳爲風消息賁死不治此人三十餘歲既痛子又哭夫心脾病也形容枯槁卽是風消之候而其所以不死者尙未見氣息之賁迫耳然已腹痛肌肉刺痛頭痛肝之虛風時時內動動極傷脾少納體倦嗜臥用藥固難無怪乎歸脾等湯之不奏効也不得已仿專治婦人思鬱過度致傷心脾而用因門中逍遙飲主之逍遙飲

熟地

歸身

白芍

棗仁

茯神

炙草

遠志

人參

香附

一婦人自幼患赤眼兩眼赤爛拳毛倒睫多年醫治不效予內用導赤散外與用三黃散洗之兼用清涼丹點服不效

倒睫拳毛乃內伏火熱而陰氣外行也所用導赤等方頗合可以木鼈子一枚爲末棉裹塞鼻中左塞右右塞左一夜其毛自直若內邊另出一層短毛擦於珠上者鑷去以虱血塗之則不復生矣

一婦人六十餘歲常患上氣續得右眼烏睛上生翳如菘荳大形如青玉看物不準予用六味加蒺藜木賊菊花蔓荊黃柏與服又外用點翳散點之不效

瞳子黑眼爲陰內障在此視物模糊腎虛所致若有青色如豆者又係肝經鬱氣六味地黃湯中加逍遙散少許

張謬曰逍遙散取意頗妙鄙意宜加小川芎一錢夏枯草三錢廣鬱金錢半石草決明各五錢取其疎肝解鬱外用黃連浸豬胆汁點亦妙

一婦人受胎二三個月之間與經閉之症最難分別若誤用藥爲害不少請問分別之法

經閉有虛有實實則少腹多痛脈亦非革卽濇虛則少腹如棉脈亦非細卽微若論懷胎少腹似屬有形按之不痛脈滑且疾搏而有情加以擇食惡食惡心喜酸必須以意逆之雖不中不遠矣

張謬曰脈經云診其脈手少陰之脈動甚者娠子也又云尺中腎脈按之不絕當娠子也是明明有脈可證特不之察耳亦有經通而娠子者是謂漏經血氣過旺者也執先生之言以分經閉與胎萬不失一矣

一兔腦丸治方曰婦人難產用一丸則忽生下男左手女右手握其丸而生百驗百效矣夫人飲食藥餌者下咽入胃傳輸其氣而其渣滓直下大腸自肛門出也真有其丸不腐爛入子宮生子握之之理乎

胃爲市容受百物如貿易之市廣積聚而四佈者胃氣也藥餌亦然惟產婦之服兔

腦丸反是能令男左女右之手中握出後人信而不疑行之於世者久矣蓋食氣入胃散精於肝濁氣歸心所留渣滓受盛傳導變化而出皆守而不走之物須藉胃氣以運行夫然後各得其所若鬼性善走腦又神之所居丁香通氣乳香活血加以麝之走竄下通元竅配成走而不守之方一入於胃不受胃之駕馭反使胃氣速降以開衝任之經則丸在兒手毫無磨盪之傷烏有完璧歸趙

張謬曰西醫每以吾中醫之此等方爲荒誕而不知實有至理存焉夫兔爲金木之精金生水而水生木故狡兔三窟取其善鑽腦又聚神之所佐以麝之香竄丁乳之通氣血無怪其破門直入之功世人忽五行之不講且以爲詬病何其陋耶一童子兩人同患驚癇忽然仆地悶亂無知嚼舌吐沫背反張目直視手足搐搦一者在母腹中受驚所得一者有生之後病後驚搐所致投平肝解鬱清火化痰不痊

兩孩之患相同一由胎內而得一由病後而生其得於胎內者卽內經所云因其在

國醫百家
母腹中時其母有所大驚上而不下精氣并居故令子發爲癩疾也屬在先天須調
肝腎如六味地黃湯之類可治其得於病後者乃是痰火不清或因驚怖或因風食
而發竅塞於內氣亂於中陡然仆地手足搐搦吐沫嚼舌目直視背反張等症同時
而見者如白金丸之類亦可治

一小兒吐瀉並起昏睡露睛痰鳴氣促驚跳搐搦乍發乍靜肢體逆冷唇青面白
脈遲細弱而用溫補脾胃之劑不應

吐瀉並作中土受傷而見昏睡露睛痰鳴氣促已昭心神散亂肺氣暗絕之候際此
心肺上病而肝經風木又賊已傷之土驚跳搐搦之外更見肢冷脈弱面白唇青延
成慢脾風病當此之時惟有大劑溫補如附子理中四逆等湯加入烏頭全蠍或可
得生

張謬曰此乃出偏師以制勝之方須認定唇青面白脈弱肢冷數端爲陽陷入陰
之確據否則見禍亦速慎之慎之

一兒潮熱皮膚瘦削骨露如柴肚腹脹大青筋露出小便渾濁眼胞手足微腫或
瀉或利面色黃白飲食少思腹中有塊與健脾化積進食殺蟲清熱平肝等藥
而不見愈

形瘦潮熱而見腹大青筋或瀉或痢小便渾濁腹中有塊眼浮肢腫面色黃白飲食
少思明係脾胃氣傷肝木順乘之候因病致虛因虛益病即大人爲勞小人爲疳之
謂也煎方如歸芍六君輩丸方如資生丸乾蟾丸之法可治

一小兒初生至五六歲四肢不用自己不能坐臥肌肉消瘦飲食少進見之以爲
廢人當以何方

劉氏云小兒週歲變蒸已定足膝堅固乃能行走設使不能卽爲胎氣不足茲五六
歲而尙四肢不用自己不能坐臥飲食且少肌肉消瘦竟有頭項手足肉五軟之象
五軟者由父母之精血虛弱或爲六淫所襲而致古人論治以補益中氣填補肝腎
爲主如六味丸如鹿茸五味子補中益氣湯之類再令壯年乳母乳哺更佳

張謬曰此症余不時有聞但取效終無善法乃種子時精衰血弱所致藥石難取
效果以乳哺法以先天補先天妙甚

一痘瘡初發之時驚搐脈力微弱身無熱用溫中益氣湯新方六氣煎之類而不

效

驚搖見於痘前前人都稱爲吉何也蓋痘未出之前熱蘊於內外發驚搐痘出驚止
而內無凝滯故曰吉然其致驚之因由於心肝火旺風火相搏神氣不安所以但當
平肝而利小便平肝則風氣去利小便則心熱退痘卽隨出不治驚而驚自止矣但
脈力微弱身不發熱此孩之體質本虛寒涼在所不用又恐氣斂而毒陷

張謬曰王孟英之加味三豆飲爲痘證始終可服之妙藥平淡中有奇功人每忽
之余特於此條之下附方於後卽如此症亦可服也

加味三豆飲

生綠豆

生黃豆

生黑大豆

生甘草

金銀花

水煎服

一痘後真氣虛弱火邪內攻而發抽用醫宗金鑑之甯心湯及仁瑞錄之調元解毒湯之類而不效

若痘既出之後而見驚搐不屬內毒未楚卽係脾虛木旺翁氏云只須溫補土爲主然痘後之驚搐本作凶論因其氣血虛弱雖復感風寒熱毒爲之凝滯者又何敢輕易發散而清利乎故曰難治

一痘瘡至七八日焦紫無膿漿用千金內托散參歸鹿茸湯及保元湯之類無效七日之期順痘漿行半足危瘡纔發微光毒壅則頂滯乾紅此更焦紫無膿乾紅尙且不可而况欠漿焦紫明係毒火太盛內外薰灼不得盡達於表因而復陷於裡往往熱煩躁擾而死者魏氏博愛心鑑朱氏傳心錄都以大連翹散及四順清涼飲等方治之

一小兒生出四五個月從頭角腫起漸漸腫大頭大如斗面與頭不相配不知何

病試用針刺之陰血發出少許其兒飲乳大小便脈息飲食如常至三歲患驚而死

小兒頭大針刺出血後未知腫曾消否若腫未消頭仍大延至三歲患驚而死竟不知何病不敢妄對若針刺出血後而腫消頭面如常至三歲患驚而死者尙可揣摩一二內經曰面腫曰風風乃陽邪也頭乃諸陽之會腫從頭角漸大如斗所爲風邪從陽而親上者也小兒四五個月肌膚柔脆腠理不密不耐邪風如大頭瘟之腫起針刺出血邪從外泄所以仍能飲乳二便如常然肌肉柔脆者已非松柏姿而况內風暗動乎

一童子患泄瀉唇紅面黃白飲水乾渴此症脾胃虛弱慮生疳蟲服扶脾胃掃蟲之類不效後至一月兩眼發紅筋疥癢難忍喜暗羞明終兩目破傷泄瀉不止如斯病者三四人未免時時束手坐視斃死

泄則少緩瀉則大下泄瀉並行脾經之元氣身中之津液無有不傷傷則不能上承

於胃故口渴引飲彼時卽以七味白朮散或可見效延至一月後身中之津液從大孔而下有立盡之勢水不濟火火自上炎無怪乎兩眼紅筋喜暗羞明當此之時卽服前方已是鞭長莫及而况兩目又損破乎倘在兩目未壞之前急以大劑養陰如生地麥冬花粉甘草等濃煎調入赤石脂禹餘糧等末一則潤萬物者莫悅乎澤之意一則澀以固脫專固下焦之脫此非臆見乃前賢已試之方法也

張謬曰此症乃水不涵木而肝旺木乃尅土而脾傷金匱云治肝當先實脾而補脾不若補腎誠以腎水充足木得滋養而肝火可潛肝木既潛土得敦阜而脾陽亦旺上之目疾可轉暗爲明下之泄瀉亦轉衰爲健用繆氏脾腎雙補丸佐入調和肝脾之品先生之用大劑養陰澀以固脫之法亦有見於腎衰火旺使然要之柔肝熄風亦宜顧到

一小兒慢脾風用加味四君子卽稍好似愈不時又起又與又好不能全愈終與溫補脾腎之藥並不見功至五六日纏綿而死

慢脾風者由於慢驚傳變或因吐瀉傷中或因病傷脾胃風從內起鼓動痰涎虛熱往來於經絡之間若欲驅風則無風可驅若欲療驚則無驚可療故曰難治朱氏云溫補脾胃爲妥如烏蠍六君子湯倘至昏潰者急灸百會穴

一小兒疳症泄瀉不止口渴飲水水入即泄泄而復飲湯藥並不應終肌肉脫而死此症用訶子肉蔻等則水留小腹用茯苓澤瀉等即泄溫補脾胃則口渴甚用參苓白朮散等亦不見效

泄瀉之由頗多不獨疳症爲然也瀉則水可留於小腹者此非瀉泄也滲則仍然作瀉者中氣下陷也溫補脾胃而口渴甚者津液傷也危至肌肉盡脫者陰津亡也究其致危之因始於泄瀉不止胃中津液漸傷求救於外水故渴彼時若用升提之法鼓舞胃氣上騰則渴可止而瀉可除否則取甘緩一法古賢因瀉利不已急而下趨愈趨愈下瀉無由止用茯苓甘草湯投之以治大渴之瀉蓋甘能緩中善禁急速所謂急者緩之也迨至瀉甚更渴水入又瀉豈非腸胃打爲一家身中之幽門闌門洞

開無阻津液一竭自然肉脫而死有何措手哉

一小兒丹毒及胎毒之症用二十日之小狗糞汁飲之肉擦患處無不愈不知此方可用否或別有加減之法乎

貴國小兒發丹發毒有糞小狗飲汁擦肉一法小狗鹹溫補胃壯陽似不宜於毒症而毒症藉以得痊諒必地土使然然按丹毒胎毒等症由於乳母過食煎煇辛辣或七情內鬱助邪爲患所以前人都用清解等方如犀角消毒湯大連翹飲中病卽止外用砭法

張謬曰初生小兒於月內多服大黃及犀黃珠粉黃連黃芩之屬可免丹毒胎毒之患卽患丹毒用雞子青調青黛東丹黃柏之屬亦可向愈若用小狗不惟性溫助熱之非宜尤非君子好善施仁所宜取法也

一小兒初生解毒之方諸各不一不知用何方爲妥

按慈幼編黃連法云臨產時先以黃連五分甘草三分熬汁兒生下卽與二三匙再

加硃砂細末調汁抹兒口中打盡腹中舊屎云如有五福化毒丹一丸黃連湯化下更佳

一小兒科書皆有稀痘之方不知真有其驗乎當用何方乎

稀痘方多矣而其驗者絕少雖間有試驗之法終未若爲其父母者受胎後清心寡慾之爲得其要也其在痘原論云人之成形是腎始成形之始爲邪火所熾卽爲毒毒伏腎經故發之爲痘多慾則痘多寡慾則痘稀爲父母者可不爲之謹慎哉世所傳種種丹方性寒性熱易致臟腑受傷莫若洗浴爲善廣生集之浴兒免痘法可奉行也其法小兒三歲以內用川棟子九個五歲以內用十一個十歲以內用十五個須擇除日煎湯與小兒洗浴略以湯內濕布揩之聽其自乾每年只洗十次在五月六月七月間天溫可免受寒之患久久洗之雖出亦稀也

張謬曰稀痘方莫若王氏三豆飲然昔之痘出於鼻今之痘種於臂鼻爲肺蓋祇透清邪是以有自出多出之慮臂之清冷淵乃少陽之穴少陽爲陰陽樞紐清濁

之邪得以俱透是以少自出再出之虞奉勸世人欲圖稀痘莫如種牛痘爲善

一童子慢驚吐瀉不止身微熱手足搐搦目上視微汗出不思飲食診脈微弱無

力用加減六君子湯或錢氏白朮散加山藥扁豆炮姜肉蔻等品與服不痊

慢驚一症都緣病後變成初非一起使然也按吐瀉身不發熱者爲內傷近見小兒偶患吐瀉者身有微熱汗亦微出似乎外感因其未能解散邪傷中土風木由之暗動吐瀉不止自然增出手足搐搦目上竄視變現慢驚證象後來正氣漸虧不思飲食脈自微弱也如初起時即以六和湯正氣解散外邪不使內傳繼後土虛木旺惟有理中六君輩加天麻鈎藤一補脾胃一平風木而已

一小兒患疳疾小便白濁泄瀉腹脹口渴飲湯形容消瘦潮熱不退飲食不進診脈細微無力用異功散加山藥扁豆砂仁烏梅使君子或補中益氣湯

疳症有五就潮熱消瘦脈弱少納泄瀉腹脹口渴溺濁而論竟似勞疳之象勞疳者不獨脾胃氣虛而身中之陰精陽液無一不傷與大人虛勞多將焯焯相似前人立

方惟以補養清熱為主

張謬曰予於初起時每用瀉白散合香砂雞金腹皮枳朮之屬應手獲效

一同身寸之法一云隨其所處而取其穴道又云取手中指第二節內度橫文相

去為一寸又云取手中指上第一節為一寸又云取手大拇指第一節橫度為

一寸

同身寸之法按針灸經云男左女右即取其人手中指第二節屈指兩紋尖相去為

一寸者是餘不足信

一背第二行之開一云脊骨內闊一寸除脊骨外各一寸五分又云相去中行脊

中三寸開

甲乙經云背自第一椎俠脊兩旁各一寸五分又按經絡全書脊二行註脊俠脊兩

旁也二行去中行左右各開一寸五分

張謬曰今之同人圖一以甲乙經為準然實地試驗不如西醫之確故予謂西醫

之可法在實而不可師者在理法以五行未明故也

一不容一云巨闕之旁二寸一云三寸

甲乙經云不容在幽門旁一寸五分去任脈三寸巨闕心募也任脈所發三寸爲是

一外陵一云天樞下一寸又云半寸

外陵在天樞之下大巨之上足陽明脈氣所發氣府論註云在天樞下一寸

一水道一云大巨下三寸又云二寸

甲乙經云水道在大巨下三寸足陽明脈氣所發

一歸來一云水道下三寸又云二寸

按歸來一名谿穴在水道下二寸

一伏兔一云在膝上六寸又云七寸

甲乙經云伏兔在膝上六寸起肉間足陽明脈氣所發禁灸

一解谿一云衝陽後一寸五分又云二寸半

按甲乙經云解谿者火也在衝陽後一寸五分腕上陷者中足陽明脈之所行也氣穴論註中二寸五分刺瘡論註中三寸五分恐二三兩字有錯訛

一血海一云膝臚上二寸又云二寸半又云三寸

甲乙經云血海在膝臚上內廉白肉際二寸半足太陰脈氣所發

一合陽一云膝約文中央下三寸又云二寸

甲乙經云合陽在膝約紋中央下二寸

一華蓋一云璇璣下二寸又云二寸

按甲乙經云華蓋在璇璣下一寸陷者中任脈氣所發仰頭取之

一盲俞一云商曲下一寸或作二寸

甲乙經云盲俞在商曲下直臍旁五分乃衝脈足少陰之會

一中注一云盲俞下一寸又云五分

按甲乙經中注在盲俞下五分衝脈足少陰之會素問水穴論註云在臍下五分兩

旁相去任脈各五分

一中腕一云巨闕下一寸又云一寸五分

甲乙經云中腕一名太倉胃募也在上腕下一寸正在心蔽骨與臍之中央手太陽少陽足陽明所生任脈之會又曰腧肝至臍八寸太倉居其中若云巨闕下一寸五分乃上腕穴也

一氣海一云臍下一寸五分又云一寸

按黃帝針經氣海一名腓腓一名下盲在臍下一寸五分任脈氣所發

一膏盲一說入足太陽膀胱經又云爲奇俞

按甲乙經背自第二椎兩旁各三寸行至二十一椎下凡十三穴少膏盲一穴又查奇俞只在左右兩手如拳尖五虎之類凡六穴而膏盲在背非奇俞無疑若作奇經而督脈之二十七穴直行脊裡而膏盲去脊尚有同身寸之三寸更非奇經所屬如此則膏盲一穴豈古書有遺失耶而不知同人俞穴針灸圖經繪圖詳註膏盲俞穴

在第四椎下近五椎兩旁各三寸爲太陽所屬又查經絡全書云膂三行去中行左右各開三寸附分穴下並屬只太陽膀胱經一語足可爲證也

一兩乳之間廣九寸半一云八寸

乳乳中穴也靈樞經云兩乳之間廣九寸半金鑑註云當作八寸爲當又按經絡全書云胸分四行中行屬任脈膺二行又曰臆二行屬足少陰腎經去中行各開二寸膺三行屬足陽明胃經去中行左右各開四寸據此則八寸爲是

一天樞至橫骨六寸半一說五寸

按天樞足陽明脈氣所發橫骨乃衝脈足少陰之會查甲乙經及針灸圖經曰天樞去盲俞一寸五盲俞至中注一寸中注至四滿一寸四滿至氣穴一寸氣穴至大赫一寸大赫至橫骨一寸計核得六寸半故靈樞骨度篇曰天樞以下至橫骨長六寸半也

一項至背骨二寸半一云三寸半

按靈樞骨度云項髮以下至背骨長二寸半

一番苳菜

苳卽苳詩疏苳接余也爾雅苳卽余也本草作苳菜一名鳧葵又名水葵根生水底莖如斂股上青下白白莖肥美今人不食醫方亦鮮用之甘涼無毒治消渴去熱利小便

一芋

蘇恭曰芋有六種青芋紫芋眞芋白芋連禪芋野芋種類雖多苗並相似莖高尺餘葉大如扇似荷葉而長根類薯蕷而圓其白芋眞芋連禪芋紫芋毒少可以煑啖青芋毒多初煑須灰汁煑過後再易水煑熟乃堪食爾其野芋有大毒食之殺人煩悶欲死者以土漿水或大豆汁飲之芋性平滑味辛有毒療熱止渴破宿血去死肌開胃通腸產婦食之破血多食滯氣困脾

一水芋

李時珍曰水芋水田蒔之葉皆相似氣味亦同但水芋味勝莖亦可食

一番石榴

石榴本番產漢張騫使西域携入中國又名安石榴時珍曰其木不甚高大五月開花單葉者結實千葉者不結實實有甜酸苦三種惟酸者入藥其性溫澆無毒多食損人肺主治腹痛赤白久利崩中帶下

一西洋雞

按本草云雞生朝鮮平澤其性甘溫無毒在卦屬巽在星應昴有風病人忌之能補虛溫中治風寒濕痺除邪辟惡排膿補新血然指名西洋則未敢臆斷爲卽是也

諤按以下尙有數條散失今姑闕疑俟海內博雅者補全之

一敝國是海邊窮國凶年饑歲米糧竭乏鄉下之貧人無糧草之可食者皆採蘇鉄之根出於地外者代糧食之若中其毒則嘔逆而忽死一家同釜竈者不論男婦老幼皆盡死矣不中其毒則一年三百六十日當糧食之無妨其製食法

採根切片晒乾再浸水去毒和鹽糟炒熟食之或生碎浸水五日五夜一天換水四五次煮熟和五味食之或切片晒乾再浸水去毒打研爲末煮熟和五味食之也中其毒死多是作末煮熟食之者也人皆云恐是作末之間濕熱釀成起霉變毒殺人不知是何毒又何以解之且蘇鉄之内有不可食者哉否恭請國手乞指明賜良方壽世之心周垂海邦是獲好生之德矣

本草不列其名其曰蘇者或以地或以性未盡知也

張謬曰大約如中國稊稗之屬而鉄字說文正韻俱切直一音秩同鉄納也殊不解意亦一種俚語名詞歟

醫意本一而用器各不同

藥雖曰大醫中藥海與之風而然字備文五師曰醫一音共同然則也然不
是亦不勝其合其因亦不難思其所以者未始無也

醫者之理也則其世之在所謂氣運及秋中之類矣

然則醫者人不暇是而游又何以稱之且猶幾之內實不似食者始者務
治之身中其病亦不長治末竟藥食之香由人習云是其所求之間極難知
本則正矣其難得正和身之動也代則遊其水去者其病亦未竟然味正和
與身同者即立再對水去者其難得也然食之更非其好水正且其奇一天辨

琉球原問 道光甲申年

一男人症患伏梁年近四旬思慮過多性情抑鬱不暢恣嗜酒復貪色喜怒不常心神恍惚夜臥不安怒時則親疎不避指非爲是罵詈不止或持刀相向喜時則起居清靜所言循理病已經十餘載矣六脈弦滑兩尺純弱大小便如故胸膈痰多嘔逆作吐俱是帶痰心下留飲漉漉有聲飲酒之後其症尤甚腰膝痠軟手足煩熱忍寒惡熱又多心戰眼睛不定視物模糊舌紅帶白潤而不燥曾與安心丸定志丸壽脾丸等劑服未見效改用清心滾痰丸除其腸胃宿痰而不見差斯症恭求

國手乞賜良方是獲再生之德矣

細繹病源乃雜症中之宿疾也似屬無從措手不得不分絲別派夫然後提綱絜領以圖之伏梁之症有三不惟五積之一也年近四旬陰氣未半思慮過多脾血必耗性情抑鬱肝氣必傷恣嗜酒胃多濕熱胆失清淨之常復貪色精被動搖腎有作強

之變喜怒不常志難定也恍惚不清神易蒙也夜臥不安肝魂肺魄皆失所憑依也怒甚之時罵詈不避親疎或持刀相向肝木乘乎土位也喜和之時起居仍屬清淨所言循理其火平則其氣靜也病經十餘載正值肌肉壯滿之時二便如故病不在於膀胱與腸也胸膈痰多必膈鬱嘔吐並作胃亦壅塞且云俱帶痰者肺胃臟腑無一不作貯痰之器心下留飲漉漉有聲不問而知其飲已成囊飲酒之後其症尤甚不問而知其酒更助虐腰膝痠軟乃水源木本俱不足也手足煩熱乃少火不能滅盛火也忍寒惡熱又多心戰豈非陽極之似陰眼睛不定視物模糊豈非腦轉而系急舌紅帶白白者白苔也紅者紅質也一則屬濕與痰濁一則屬熱與陰虛也至於潤而不燥血主濡之雖熱而不能爲燥况濕在氣分更有澤以潤之乎所言補瀉備嘗而不獲一效者盤根錯節之物雖有利器遇之亦無所施其伎倆也辱承下問杭海梯山詢及芻蕘不敢不探奧窮源以副大君子一片婆心因思人年四十陰氣自半而病者之年近乎四旬將交五八腎氣未衰髮未墮齒未槁斷無虛證况病起於


三八之後四八之時所謂眞牙長極筋骨勁強肌肉隆盛豈衰頹之輩所可同日語哉夫治病必求其本暗中摸索自應憑脈不憑症今旣和盤托出矣可以憑症不憑脈按伏梁一症載在內經本非一轍曰臍上曰環臍曰少腹盛三者各有所別此際之伏梁良非所謂裏大膿血居腸胃之外痛則少腹盛上下左右皆有根亦非所謂身體髀股胛皆腫環臍而痛也大抵起於臍上長大如臂上至心久不愈之心積乃五積中之一焉耳古語云壯人無積虛則有之如以東垣心積例治有何不可但見症之中僅指其名未詳其實不敢妄對惟就思慮所傷之脾血性情所鬱之肝氣旣失統領之權血又失流行之用氣滯血枯五臟之受蔭已難木性之尅土反易所進飲食生痰生飲貯肺貯胃爲吐爲嘔甚至留而不去積飲成囊極爲累事而況助之以麴蘖漬之以濕熱亂其精神魂魄思意智慮則將軍之官中正之官莫不因之而肝橫胆壯亦莫不因之而犯上無等此輕則心神恍惚重則罵詈不避親疎持刀相向之所由來也卽在平善之時氣和志達未嘗不我心則喜循之以理有條不紊以

復其初然靜則生水者少動則生火者多久而久之所積之陽益造其偏手足爲之煩熱身體爲之忍寒常行春夏之令而少秋冬之氣有似乎能冬不能耐夏之情狀無怪乎心從內戰目自外旋以昭陽氣萬物盛上而躍之義且有更進一層者視物模糊尤見陰不上承不獨濕熱鬱蒸以使清竅昏蒙而已苟令少飲以絕病根寡慾以除煩惱七年之病猶可以求三年之艾無奈飲食男女人之大欲存焉酒爲色媒欲竭其精耗散其真不知持滿不知禦神務快其心溺於生樂以致腰爲腎之府者軟矣膝爲筋之府者瘦矣枝葉未害本實先撥而又濟之以濕生痰痰生熱等症久而不獲其瘳誠哉病苦之殊堪痛憾也至於舌色之紅白亦不外是可以類推然實病而重之以虛豈真不自檢點良以多思多鬱之人不能放開懷抱聊借酒色以自娛耳病情叢雜補瀉難偏謹擬兩法伏希鑒察而又有不敢不告者思慮太過抑鬱無聊之症往往歸入癩門而成癩病如狂之候尙願早爲留意謹覆

朝服十味溫胆湯合控涎丹加竹瀝沉香

晚服黑歸脾丸合辰砂散

張謬曰斯症病情與百問第一問相埒所答之意亦相同或卽第一條之症亦未可知此條於書內獨標明爲原問則百問一書爲先生門下士所編無疑今并存之以質博雅



琉球呂公札問

愚弟子曾在夫子門牆傳授醫法感恩不盡歸國以來依照師教廣施療治不敢
違居但有可疑者敝國土人或患中風或生惡瘡或染雜病紛紜不一因恐食品
不正之所致乎茲思敝國土人一切日食多是以肉配食因查豚性能生濕瘡風
熱且敝國土俗圍闌畜豚於其中大半食糞若夫病者及生毒瘡者之糞亦一併
食之故人食其肉者必中其毒而有中風惡瘡雜病等患乎又有十傳云嶺外多
毒草蝨食之人食其肉則中其毒所以北人度嶺多戒食蝨而本草亦云凡禽獸
有好食毒物者人食之則亦有毒害夫敝國畜豚之俗如此而食豚之害如彼不
可無預防之法其法非先生不可也統祈先生垂察前由詳書其法更望先生手
著要緊良方隨來春之便一一寄給感佩不盡茲獻扇子一匣花布一端聊表寸
悃謹候崇安上

曹仁伯老大人臺下

跋

嗟乎立言之傳雖曰福命豈非有功哉原先生之棄舉子業而究心醫道與其平日所著之書可以知之矣許氏言愚溪封君之待諸子焉稍有拂意卽遭訶譴惟先生獨能敬凜無違承顏悅意而先生之臨病人也研精覃思曲折周至又濟於居心之篤厚學問之淵深古人謂生死肉骨先生有之方其對呂生之問刊書行世化及琉球中華古學得以大放光明其用夏變夷之功可謂盛哉及先生作古不數十年琉球見併日本世界滅此二字革命軍起清帝退位至於變更國制取締中醫用夷變夏崇尚西法抑何其衰也幸得先生之手澤猶存而吾醫一貫亦班班可考琉球二字至今尙存於孤本竹紙之間嗚呼世變滄桑在於轉瞬著書立說萬古常存使以先生之才得展抱負爲將相於一時要不過利及當代榮耀鄉里其學問利濟既不能普及天下而澤流後世又不能自力以致必傳於後以彼易此孰得孰失必有能辨之者諤以重錄告竣不禁感慨係之因以爲跋焉

